

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 76 65 08, Herri ikastetxea.

Antzuolako hamabostekaria, 12 zenbakia. 1998ko martxoaren 6a.

Erreka desbideratzea onartu dute

Errekaren ubidea aldatuko dute plaza ez zabaltzeagatik

Pasa den asteko udalbatzarrean plaza azpitik pasatzen den erreka plaza ostetik desbideratzea onartu zuten. Zortzi urte zeramatzan udalak erreka inguruko erabakia hartu nahian eta azkenean, udalak bai baina plazako bizilagunek onartzen ez duten erabakia hartu dute.


Erabaki politikoa hartua dago; joan den astean onartu zuten EAJ, HB, PSE eta ZUTIKen aldeko botoekin; EA abstenitu egin zen. Ez da plaza zabaldu behar izango "arazoa" konpontzeko.

Udalak hartutako erabakiaren arabera, erreka ubidea desbideratuko da. Erreka plaza ostetik joango da eta zortzi metroko horma egingo dute, atzeko mendiari eusteko.

Valen Moñux aparejadoreak adierazi digunez, "erreka plaza erditik eta estali gabe defendatzen duen proiektua ez zen onartu, herriko plazaren itxura aldatzea suposatuko lukeelako. Ibaia bistan geldituz gero, plaza "berri" bat egin beharko genuke orain iturria dagoen lekuan gutxi gora behera; eta hori egiteko, plaza berrantolatze lanak berehala hasi beharko liriateke. Azkenean, ibaiaren ubidea desbideratzearen alde egin zen udalbatzarrean".

Plazako en kezak

Udalak hartu duen erabakiaren aurka agertu dira plazako bizilagunak. Beraien diotenez, "udalak erreka arazoa kendu nahi izan du gainera eta herritarren segurtasunaren eta ingurune-inpak-



Hemendik pasako litzateke erreka baina 8 metro beherago.

tuaren aurkako erabakia hartu du; guk proposatzen dugun bakarra da, erreka atzetik zabalik ez izatea, zeren egin diren estudio guztiek aurreikusten baitute hor atzeko mendiaren arriskua eta nahiz eta horma egin, ur haundiak egonez gero, hormak mendiari eutsiko lioke, baina zer gertatuko da mendi gainetik etor daitzkeen lur jausiekin? Denok dakigu zer gertatu den Leizarango autobian...".

Bakarrik erabakiaren aurrean

Plazako bizilagunen batzordearen ustez "politikoki ezin dugu ezer defendatu, erabaki politikoa hartua baitago; ez dakigu laguntza sozialik daukagun eta herriko ekologistak ez dakigu non dauden; ingurugiro-inpaktuari buruzko azterketaren zain gaude, proiektua egin arte ezin baita alegaziorik aurkeztu".

■ ■ ■
Guk proposatzen dugun bakarra da, erreka atzetik joatekotan, zabalik ez izatea
■ ■ ■

Patxiko Txerren II. literatur lehiaketa

Udalak 2. urtez Patxiko Txerren literatur lehiaketa antolatu du herrian jaio, bizi edo lan egiten duten guztientzat. Sariak, 120.000 PTA guztira, lau mailatan banatuak egongo dira, eta idazlanaren luzera ere adinaren arabera izango da. 1985-80 artean jaiotakoek gutxienez 2 eta gehienez 5 orriko lanak aurkez ditzakete. Bigarren mailakoak (1980-68an jaiotakoak), hirugarren mailakoak (1967an edo aurretik jaiotakoak) eta jubilatuen taldekoen lanak 3-10 orritakoak izan beharko dira.

Idazlanok udal liburutegian aurkeztu beharko dira apirilaren 16a baino lehen. Informazio gehiago behar izanez gero liburutegiko 76 60 65 telefonora deitu daiteke.

Gazinema

Martxoaren 8an, domekan, *Fluke* filma eskainiko dute 16:30etan. Datorren asteko eguakitzean, martxoak 13, *El mundo perdido* izango da ikusgai 22:00etan eta domekan berriz, martxoak 15, *Bio-Dome*, 16:30etan.

Ipuin kontalaria

Oihulari Klown taldeko partaide batek ipuin saioa eskainiko du martxoaren 14an, zapañuan, udal liburutegian 18:00etatik aurrera.

Bildots tripak berriz

800 bat kilo bildots tripa aurkitu zituen udaltzainak Deskarga gainean otsailaren 24an. Hirugarren aldia da bildots tripak agertu direla Antzuola eta Bergarako inguruetan. Orain dela hilabete pare bat, Aizpurtxo aldean agertu ziren, eta Udaltzainaren arabera "guztira 3.000 kilo baino gehiago bota dituzte". Momentuz ez dute tripen jatorriaren berrik.

Ibilaldi neurtua herrian



Umeek Arrolarekin Arnora egindako irteera.

Datorren asteko domekan, martxoak 15, Deba bailarako eskolarteko ibilaldi neurtua egingo da Antzuolan. Migel Angel Lizarralde, Arrolako lehendakariak, azaldu digunez, "ez da Antzuolan egiten den lehenengo aldia, orain dela hamar urte ere hemen izan zen eta aurrez berriz tokatu zaigu".

Eguraldiak laguntzen baldin badu, 1.600 ume baino gehiago bilduko dira goizeko 8:30etatik 9:00etara Zurrategi plazan. Uzarragara abiatuko dira 8-14 urte arteko neska-mutikoak. Uzarragatik Kostarratzura eta Trekutzen hamarretakoa egingo dute. Beherakoan Amilletara joango dira eta trenbidea hartuz Kaxeta-

raino iritsiko dira, handik berriz Zurrategi plazara heltzeko. Ibilbidea 12:00ak aldera amaitzea espero da.

Argazki lehiaketa

Gipuzkoako Mendizale Federazioarekin batera antolatutako ibilbide neurtu horretan, neska-mutiek argazki lehiaketa batean hartuko dute parte. Nahi duenak ibilbidean zehar argazkiak aterako ditu eta apirilaren 15a baino lehen Arrolara bidali beharko ditu, Gipuzkoako Argazkilari Elkarteak onenak aukera ditzan. Ondoren Arrolakoek argazkiekin erakusketa bat egiteko asmoa dute.



A ze kuadrila!


Pasa den otsailaren 21ean bisita oso berezia izan genuen antzuolarrak. Gotzaia, "Marianico el corto" eta guardia zibil pare bat agertu ziren herrian. Zertara etorri ziren ez dakigu baina argazkia ateratzen behintzat laga ziguten.

KALEGOI 19 ☎ 76 64 07

Tomas Gezalaga

ANTZUOLA BERGARA

- Apainketarako eta industriarako pinturak
- Paper margotuak
- Mokitak eta tapizatuak



Z *Zabalo Iturgintza S.L.*

Bidea eginez

Tailerra: Uzarraga bidea 10. Tf. 78 71 78

Erakusketa: Kalebarren 1. Tf. 78 71 79, Tf. eta F. 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espedienteak bideratzen ditugu

Antzuola eta Internet eskutik hartuta

Egonaldiak familia euskaldunetan

Ordenadoreak eta Internet herritarren eskutan jarri nahi ditu udalak. Horretarako Telekomunikazioetako Egoitza Publikoa deitu duena zabaldu berri du. Mikel Larrea alkateak azaldu digunez "guk ere ez dakigu zer nolako gune zabaldua den Internet baina kuriositatea somatu dugu jendearen artean eta harreara ona izango duela uste dugu".

Angelo Caccioli italiarraren laguntzarekin egindako proiektua da eta badi-rudi, bere esanetan, ezaugarri hauek di-tuen inguruko zentro bakarra dela Antzuolan zabaldua dena. Sei ordenadore ipini dira ordenadore zentral bati konektaturik.

Herritarrentzako eskaintzak

Hiru funtzio nagusi izango ditu zen-troak. Lehenengoa formazioa izango da

eta edozein herritarrentzako, taldeetako partaideentzako, enpresetako eta udal langileentzako... ikastaroak antolatuko lirakeke. Bestetik, zerbitzu publiko beza-la, astean lau egunetan zabalik egongo da Internet erabili nahi duen guztiaren-tzat. Eta azkenik, "bidaia birtualak" egi-tea ere proposatzen da. Bidaioi eguaki-tzetan egingo lirakeke gai ezberdinei bu-ruz Interneten dagoen informazioan mur-giltzeko; martxo eta apirilera eskain-tzak Chiapas eta Kubara, euskaldunak munduan zehar, rocka eta mendizaleta-sunari buruzko bidaia izango dira bes-teak beste.

Ordutegia

Astean lau egunetan irekiko ditu ateak; martitzen eta egunetan 9:00eta-tik 13:00etara eta eguazten eta eguaki-tzetan 15:00etatik 19:00etara.

HABEK "Egonaldiak Familia Euskaldune-tan" programa jarri du martxan. Progra-ma honek euskara ikasten edo hobetu nahian dabilenari familia euskaldun ba-tean hilabete edo bi pasatzeko aukera eskaintzen dio. Udako hilabeteetan ikasleak hartzeko prest dauden familie-k 75.000 PTAtik 150.000 PTArainoko diru-laguntzak jaso ahal izango dituzte. Uztaila, abuztua edo eta irailan euska-raz ikasten ari den norbait etxean hartu nahi duenak udaletxeko euskara zerbitzura jo dezake.

Antzerkia zinetokian

Oihulari Klown taldeak Zai beti zai antzezlan eskainiko du zapatuan, martxoak 7, zine aretoan. Klown emanaldia 22:30etan hasiko da.

Argazki erakusketa

Benito Cantero argazkilari bergararraren erakusketa izango da udaletxean martxoaren 13tik 15era; 12:00etatik 14:00etara eta 19:00etatik 20:30etara.

GURE ARTIAN

Zeinek egiten ditu zuenean etxeko lanak?



Narcisa Sanchez

Etxean dena neuk egin behar izaten dut; beste denak kanpoan ari dira lanean eta zer egingo dute ba? Baina garbiketa haundietan alabek laguntzen didate.



Jesus Alberto Martinez

Lan gehixenak Lnere andriak egiten ditutu eta zapatu eta domeketan bixon artian. Gehixen gustatzen jatena jana gertatza da baina jeneralian lan danak gorrotatzen dittut.



Jose Caceres

Normalean la-gundu egiten didate, nolabaiteko banaketa egina daukagu baina su-kaldea eta plantxa nireak dira; gaine-ra nahiago dut lan horietan sartzen ez badira.

igor eta Txomin

Pintura orokorrean.

Paper, tela, binilo, kortxo... estaldurak.

Gotelesa, iztukuak eta

bestelako imitazioak.

ANTZUOLA
☎ 76 60 39

BERGARA
☎ 76 19 98

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tf.: 76 64 23

GOROSTI Taberna

☎ 76 62 96

Zurrategi plaza ANTZUOLA

Sarriegik Antzuolan peña bat izango du

Jokalariarekin egon ondoren Realaren erantzunaren zain daude Sarriegiren peña egiteko. Oraindik ez dute herrian deialdirik egin peña osatzeko baina 50 bat lagun bilduko direla uste du Andoni Azkargortak, Antzuola baterako behar bada asko direla esaten duen arren.



Z

ela bururatu zitzaizuen?

Berotualdi batian izen zan. Jokalari euskaldun bat nahi giñuan eta jatorrena bera pentsau jakun. Beste batzuk okupauta zeren eta berak etzeukan peñarik, eta bera jatorra eta euskalduna danez, berari egittia pentsau giñuan.

Zer esan zizuen berak?

Ondo pentsau jakon, baiña harrittuta geratu zan; esaten zeban euskaldunekin inor etzala akordatzen, beti kanpukuei animatzeko egitten diela peñak eta ideia asko gustau jakon.

Antzuolakukak giñala esan gontsanian be flipau egin zeban, itxuria herrixia ezagutzen zeban, txikittan krosera etorritta.

Nola jarri zineten berarekin harremanetan?

Guk ez giñuan zuzenian ezagutzen, bistaz bakarrik. Aranzabali esan gontsan berakin egotia nahi giñuala peña bat egitekotan giñalako.

Hurrengo baten entrenamendu baten ikusi giñuanian berana jun giñan eta Agusekin egon barik zeguanez geuk azaldu gontsan antzuolarron asmua.

Zer eskatzen da sozio izateko?

Ezer espezialik ez; Athletikekua izetia... Ez, ezta ezer espezialik biher sozio izeteko.

Zer bentaja dauka peñak partiduei begira?

Kanpoko partiduetara juteko diru-laguntzia emoten dau Realak, partidu bakoitzeko gastuak pagatzeko (autobusa...). Gaiñera, sarrerak lortzeko be errezaua da, esate baterako Donostiako derbi baterako sarrerak etaratzeko.

Zein izendatuko duzue peñako lehendakari?

Oraindik ezta kigu zein ipiñiko dogun, baiña lehendakarigai batzuk badauzku.

Iker Sarriegiri ere peñari buruz zer pentsatzen duen galdetu diogu.

Flipauta gelditu nintzen... Antiguokoe egi tea ulertzen dut baina Antzuolatik etortzea peña bat egin nahi dutela esanez... Ideia gustatu zitzaidan baina ez nuen espero.

Antiguon ere peña bat egitekotan ziren eta antzuolarrei beraiekin egoteko esan nien; hala

ere, Antiguokoe ofiziala ez zutela egingo esan zidaten.

Zer esan zizuten antzuolarrek?

Behin parean harrapatu ninduten eta Agusek zerbait komentatu zidan galdetu zidaten; nik ezetz esan nien eta Agus bertan zegoela hura entzun eta orduan gogoratu zen "ah bai! barkatu! nik esan behar nizun baina...". Azkenean antzuolarrek esan behar izan zidaten peña bat egin nahi zutela. Agusi eskerrak eman nizkion abisua pasatzeagatik!



Iker Sarriegi Realeko jokalaria da.

“Flipauta gelditu nintzen... Antzuolatik etortzea peña bat egin nahi dutela esanez...”

LARREA

TABERNA

Kalebarren 17
ANTZUOLA

ANTZUOLA

Apaintetak eta
isolamenduak
Pladurrezko dibisioak

Kalegoi 21 ANTZUOLA
Tf.: 72 30 05
Billegia: 78 70 40

GAILUR

taberna eta
gozotegia

Buztinzuri 13 ANTZUOLA
Tf. 78 70 32

KALEGOI 19 ☎ 76 64 07

Tomas Gezalaga

ANTZUOLA BERGARA

• Zoruen kutxilatuta eta
barnizaketa •